

CM PRE BUDGET

وزیر اعلیٰ عمر عبداللہ نے ممبران قانون ساز اسمبلی سے بکھ بکھ ضلعان تین ضلع ترقیاتی کونسلان گا چئیر پرسن سنگ دو روزہ بجٹ تین پہلاں غی مشاورت مکمل کی ہے۔ جس دوران بجٹ غی منصوبہ بندی مانہ عوامی رائے غی اہمیت ور زور دتو گیوبارہمولہ ادمپور گلگام رام بن انتنت ناگ کٹھو عہ سانہ تے بڈگام غا نمائیندان نے سڑکان صحت غی دیکھ بھال بجلی پانی غی فراہمی تے تعلیم جیسا کلیدی مسائل ور تبادلہ خیال کیو۔ وزیر اعلیٰ نے یقین دہانی کروائی ہے عوامی رائے نانہ شامل کرن سنگ بجٹ عوام غی مقامی ضروریات تے خواہشات غے مطابق وے گی۔ وزرا سنئیر عہد یدار تے مشیران نے ان اجلاس مانہ شرکت کی تانجے جامع گفتگو نانہ یقینی بنایو جاسکے حکومت عوام غی اُمنگان غے مطابق بجٹ ترجیحات نانہ تربیت دین غو عزم رکھے۔

GADKARI JK

ایک اہم پیش رفت غا طور ور دہلی امرتسر کٹرا گرین فیلڈ ایکسپریس ویے جہیڑی کہ جموں کشمیر مانہ ہے مارچ ۲ ہزار ۶۲ تک مکمل ہو جے غی وزیر نتن گڈکری نے لوک سبھا مانہ تفصیلات سانجہ کیں جس مانی تصدیق ہوو ہے جے جموں کشمیر مانہ ۵ وچوں ۳ پیکج اس سال ستمبر توڑی تیار ہو جیں غی۔ ۴۴۱ کلو میٹر غو رستو ایک بڑو ۸۱ پیکج غا منصوبہ غو حصو ہے جہیڑو ہریانہ پنجاب تے جموں کشمیر مانہ پھلیو وی ہے۔ منصوبہ غی مسلسل ترقی غے نال یوہ بہتر بنیادی ڈھانچہ غو وعدو کرے۔ جس مانہ اہم حصاں و ہزار ۵۲ تک مکمل ویں غا تے پورا رستہ مارچ ۲ ہزار ۶۲ تک مکمل ہو جیں غا۔

DY CM SATISH PUBLIC DARBAR

نائیب وزیر اعلیٰ سریندر کامر چوہدرہ نے ٹرانسپورٹ غا وزیر ستیش شرما غے ہمراہ چوکی چورہ جموں مانہ ایک عوامی دربار لاغے لوکان گا مسلاں سنیا تے حل کروایا ہیں۔ اس عوامی دربار غے دوران چایا گیا اہم معاملات مانہ سڑک روبطان بے قاعدہ آلی بجلی پانی سپلائی تے صحت خدمات شامل ہیا۔ مقامی لوکان نے اس موقع ور کئی مانگ رکھیں جن مانہ ڈگری کالج ایک اگست ہوس تے آئی ٹی آئی کالج قائم کرن بارے وی مانگ کی گئی۔ نائیب وزیر اعلیٰ نے لوکان نانہ اُن غ امسائل غا فوری حل گو یقین دوايو تے افسران ور زور دتو جے وے لگاتار دیہی علاقان غو دورو کرتا رہیں تے حکومتی سکیمان گو موثر عمل آوری نانہ یقینی بناویں اس موقع ور ٹرانسپورٹ گا وزیر ستیش شرما نے لوکان غی ضروریات نانہ پوراں کرن غا تمام شہریاں نانہ مساوی خدمات مہیہ کروان بارے حکومت غا عزم نانہ اُجاگر کیو۔

RAJOURI SAMPLES

راجوری مانہ بڈھال غا واقع غی جاری تحقیقات غے تحت کیرہ ماہ ادویات جرائم کس ادویات جڑی بوٹیاں غا زہر تے کھاواں گا ۵ سو ۹۲ نمونہ اکٹھا کیا گیا ہیں ڈپٹی کمشنر اطہشیک شرما غی سربراہی مانہ ٹیمان نے ۲ سو ۷۵ دوکانان غی نشاندہی کی تے ان وچوں ۲ سو ۴۵ تیں سختی سنگ نمونہ حاصل کیا جمع کیا گیا نمناں مانہ ۲ سو ۳۹ زرعی کمیکلز تے ۲ سو ۶۳ کھاد شامل ہیں جن غی جانچ کی جے گی۔ جدکہ انتظامیہ پولیس صحت تے زراعت غا محکمان گا اہلکار وی اس آپریشن مانہ شامل تھا۔

CS BADHAAL

چیف سیکرٹری اٹل دلو نے صحت پولیس تے نیشنل ماہرین سنگ ایک ہور اہم میٹنگ غی سدارت کی تانجے راجوری مانہ پراسرار اموات گا سلسلہ سنگ نمژن غی کوشش غو جائیزو لیو جاسکے۔ انہاں نے تحقیقات مانہ تیزی لیان تہہشیتال غا بنیادی ڈھانچہ نانہ مضبوط بنان ور زور دتو۔ ایمز تے دوجا اداران تیں لیو تربصیت مانہ مدد غی درخواست کی گئی۔ تانجے مستقبل غا عمل نانہ اپنایو جاسکے۔ واضع رہ جے ایک بیماری سنگ ہون تک ۷۱ اموات جاچکی ہیں۔ جدکہ ۸۳ افراد صحت یاب ہو چکا ہیں۔ تے ۳ سو ۰۶ تیں زیادہ افراد نانہ الگ تیں نگرانی مانہ رکھیو گیو وے۔ حکام خوارک غی حفاظت نانہ یقینی بنا رہیا ہیں جدکہ صحت غی ٹیم متاثرہ گراں غی لگاتار نگرانی کر رہی ہے۔

DG CRPF VISIT

سی آر پی ایف غ اڈائریکٹر جنرل جی پی سنگھ نے گزشتہ روز راجوری غا سرحدی ضلع مانہ فورس غا کیمپان گو دورو کیو آکاشوانی جموں گا نمائیندان غی رپوٹ غے مطابق ڈی جی نے ضلع مانہ مجموعی

سیکیورٹی غی سورتحال تے آپریشنل تیاریاں گو جائیزو لیو۔جناب سنگھ نے کالاکوٹ مانہ فورس غ اقیام غو دورو لایو تے نوا قائم کردہ انسدار بغاوت کیمپ غو وی معائنو کیو جہیرو کپورہ مانہ واقع بے انہاں نے فرض غی ادانگی تے صحت مند توازن نانہ برقرار رکھن غی اہمیت ور زور کھلیوتہاڑی غے وقت جناب سنگھ نے لیفٹیننٹ گورنر منوج سنہا تیں ملاقات کی سی آر پی ایف غا ڈائیکٹر جنرل غو یوہ دورو جموں کشمیر مانہ ۲ دنان غو بے۔

LAL DRAMAN PREPARATIONS

لعل درمن ۸ فروری ۲ ہزار ۵۲ نانہ سردیاں گا میلہ غی میزبانی واسطے تیار بے۔ تے تیاریاں غو عمل زور وشور تیں جاری بے ڈپٹی کمشنر برویندر سنگھ نے اس تقریب غو جائیزو لین واسطے ایک اجلاس غی سدارت کی۔ اس میلہ مانہ ثقافتی پرفارمنس چھنڈہ غی ریلی مقامی سرگرمی کھیڈاں غا مقابلہ تے شجرکاری مہیم شامل وین غی۔ افسران نانہ ہموار تقریب بنان واسطے ڈمہ داریاں سونپی گئی تانجے سڑکاں غی صفائی نقل وحمل تے شرکا واسطے رہائش غو انتظام کیو جاسکے۔ یوہ میلو ضلعی انتظامیہ ڈوڈھ سیاحت غا محکمہ تے این جی او تیجس ایک پہل غا تعاون تیں منعقد کیا جین غا۔

WEATHER HIGHWAY

محکمہ موسمیات غے مطابق ۸ فروری تک موسم زیادہ تر خشک رہ گو۔ لیکن ۹ فروری نانہ ہلکی بارش تے برف باری غا امکان بین خاص طور ور شام غے وقت ۰۱ تے ۱۱ فروری غے درمیان موسم ابرالود رہ گو تے رُک رُک غے بارش تے برف باری ہو سکے۔ تے دوجے پاسے قومی شاہراہ جموں سرینگر دو طرفہ گڈیاں غی آوجائی واسطے کھلو رہ غو تے مغل سڑک اجیں توڑی بند بے۔